

Sa lotta de Pratobello

(1969)

di Peppino Marotto

Periodo: La contestazione e i movimenti di liberazione (1967-1979)

Lingua: sardo

Tags: antimilitaristi

Indirizzo: <https://www.ildeposito.org/canti/sa-lotta-de-pratobello>

Cando a binti de maju sun torrados
Sos pastores in su sesantaoe
Tristos, né untos e nen tepenados.

Su vinti'e santandria proe proe
Fini partidos cun sa roba anzande
Da sa montagna, passende in Locoe;
Càrrigos e infustos viaggende
Cun anzones in manu a fedu infatti,
Su tazzu arressu muttinde e truvande;

Avvildidos, pessende a su riccattu
Impostu da su mere 'e sa pastura:
Mettade 'e fruttu e piusu in cuntrattu.
Est obbligu emigrare in pianura
Pro salvare su magru capitale
Da sos frittos iverros de s'altura.

Tündene e murghen pro su principale,
Ma da su mere e da sa mal'annada
Si ristabilin in su comunale,
Ca sa paga 'e s'affittu est moderada
E poden liberamente pascolare
Sen'agattare muros in filada.

Ma in lampadas devene isgombrare
Tuttuganta sa montagna orgolesa
Pro vághe una base militare.
L'ordina su ministru 'e sa difesa
Cun manifestos mannos istampados,
Postos in sos zilléris a sorpresa...

Che bandu de bandidos tallonados.
E sos pastores cand'han bidu gai,
Sos cuiles in su bandu elencados:
Su Pradu, S'ena, Olini e Olài
Costa de Turre cun Su Soliànu,
Loppàna, Ottùlu, Uniare e Fumài;

Belle tottu su pasculu montanu
Isgombru de animales e de zente
Cheret su ministeru italianu,
Espostu a su bersàgliu su padente
De bombas e mitraglias e cannone;
Dana su bandu: pro motivu urgente

Si riúnat sa popolazione
De ambo sessos mannos e minores
Bénzana tottus a sa riunione.
S'improvvisana tantos oratores
E decidene de lottare unidos
Istudentes, bracciantes e pastores;

D'accordu sindacados e partidos,
Proclama cattolicos, marxistas:
Sos bandidores siana bandídos...
Serran buttega artigianos, baristas,
E partin tottus, minores e mannos,
Pro che cazzare sos militaristas:

Pizzinnettos e bezzos de chent'annos
E zovanellas de sa prima essida
Han'indossadu sos rusticos pannos.
Tottu sa idda in campagna est partida,
In càmiu e in macchina minore.
Sa lotta durat piús d'una chida;

A Pratobello finas su rettore
Ch'est arrivadu cun su sagrestanu
Pro difende su pradu e su pastore...
Sos polizottos cun mitras in manu
Chircaian sa lotta de virmare,
Ma mutiana e curriana invano,

Ca dae s'assemblea popolare
Ch'in bidda si vaghia frequente
Sa zente vi decisa a non mollare
E de lottare in modu intelligente
Tuttuganta sa popolazione
Contra cussu invasore prepotente:

Respingere ogni provocazione,
Bloccare cun sas massas sas istradas,
Impedire s'esercitazione
De sos tiros a sas forzas armadas,
Chi calpestare cherian sas prendas
De sas terras comunes non muradas

Dae s'edittu de sas chiudendas.
A sos sordados chi tentan d'esstre,
Sa zente che los tòrrad'a sas tendas,
Finas ch'hana decisu de partire,
Unida e forte sa zente orgolesa
Sa lotta vi disposta de sighìre.

E cando l'hana raggiunta s'intesa
Sos delegados dae s'assemblea,
A Roma, in su ministru 'e sa difesa,
Sos cumbattentes de sa idda mea,
Fizzos de sa Barbagia de Ollolài,
Paria sos sordados de Corea...

E una lotta de populu gai,
Naraian sos bezzos pili canos,
Chi in bida insoro non l'han bida mai.

Tottus sos progressistas isolanos
Solidales, cun tanta simpattia

A Orgosolo toccheddانا sas manos
E naran: custa sì ch'est balentia.

Informazioni

Testo e canto in ottava rima di Peppino Marotto sulla rivolta di Pratobello degli orgolesi contro l'occupazione militare di 13 mila ettari di pascoli. È la storia di un mese frenetico e senza sonno, di una lotta senza partito che avrà la meglio sulle migliaia di soldati e sulle decisioni prese a Roma.

E' stata registrata in un'audiocassetta del Coro Supramonte di Orgosolo per l' etichetta Tirsu di Decimomannu